

Yeshua, Esun Ungi di Israel i Juda; e Lei di Dios!!!

Pa e motibu aki **Yeshua, Esun Ungi** a bisa: "No kere of **pensa ku Mi** a bin pa **abolí of anulá** e **Lei òf e Profetanan**; **Mi** no a bin pa **abolí of anulá**, sino pa **kumpli i klarifika**. (**Mateo 5:17**).

Yeshua: e Lei, e Enseñansa di Dios Tata!!!.

"Pesei, bisa e **yunan di Israel**: '**Ami ta SEÑOR**, i **Ami lo Saka boso** for di bou di e **karganan di e egipsionan**, i lo **Mi Libra boso** for di nan **sklabitut**. Tambe lo **Mi Redimí boso** ku un **brasa ekstendí** i ku **huisionan pisá**. I lo **Mi Tuma boso** komo **Mi pueblo**, i lo **Mi ta boso Dios**; i boso lo sa ku **Ami ta SEÑOR boso Dios**, Kende a **saka boso** for di bou di e **karganan di e egipsionan**. I lo **Mi Hiba boso** na e **tera ku Mi a Hura di duna Abraham, Isaak i Jakòb**, i lo **Mi duna boso** esaki komo un **Erensia**; **Ami ta SEÑOR**.'" (**Éksodo 6:6-8**).

Yeshua: e Lei, e Enseñansa di Dios Tata!!!.

"Bin, tur **esnan ku tin set**, bin na e **awanán**; i boso ku **no tin plaka**, bin **kumpra i kome**. Bin **kumpra biña i lechi sin plaka i sin preis**. Pakiko boso ta gasta plaka na loke no ta pan, i ta gasta **boso** suèldo na loke **no ta satisfasé?** **Skucha Mi Bon i kome loke ta Bon**, i laga **boso Alma Gosa** den **Abundansia**. Inkliná **boso oreá** i bin serka **Mi**. **Skucha**, pa boso por **Biba**; i lo **Mi** sera un **Aliansa Eterno ku boso**, segun e **Miserikòrdianan Fiel** mustrá na **David**. Mira, **Mi** a hasié un **testigu** pa e **pueblonan**, un **lider i komandante** pa e **pueblonan**. Mira, lo bo yama un **nashon** ku bo no konosé, i un **nashon** ku no konosébo lo kore bin serka bo, pa motibu **di SEÑOR bo Dios, Esun Santu di Israel**; pasobra **El a Glorifikábo**." (**Isaias 55:1-5**).

Yeshua: e Lei, e Enseñansa di Dios Tata!!!.

Awor riba e **último dia**, e **gran dia di e Fiesta**, **Yeshua** a lanta para i a bisa na bos haltu: "**Si un hende tin set**, lagu'é bin serka **Mi i bebe**. Esun **ku kere den Mi**, manera e **Skritura** a bisa: '**For di Su Paden lo kore riunan di Awa Bibu**.'" Ma esaki **EL a bisa di e Spiritu**, Kende esnan **ku a kere den DJE tabata bai risibí**; pasobra e **Spiritu no a wòrdu duná** ainda, pasobra **Yeshua** no a wòrdu **Glorifiká** ainda. (**Juan 7:37-39**).

Yeshua ta e Lei, e Enseñansa, e Edukashon di e Lei di Dios!!!

Ta pa e motibu aki **Yeshua, Esun Ungi**, a **Saka abo for di e karganan**, a **Libra abo for di sklabitut** i a **Redimí abo di tur pika** i a **Tuma abo komo Su pueblo**. Ta pa e motibu aki **Yeshua, Esun Ungi**, a bisa si abo tin **set**, bin serka **DJE**, pasombra **EL a paga e preis kaba**. Ta pa e motibu aki **Yeshua, Esun Ungi, Su Miserikòrdianan Fiel** ta pa **semper**. Ta pa e motibu aki **Yeshua, Esun Ungi, Su Aliansa Eterno** pa abo su **Alma por Gosa den Abundansia** ora abo bebe di e **Awa Bibu**. Ta pa e motibu aki **Yeshua, Esun Ungi, Su Spiritu ta Biba** den abo su **Kurason** pa juda abo **Glorifiká Yeshua, Esun Ungi, Esun Santu di Israel i Juda**.

16 ougùstùs 2020

Sea Bendishoná ku e **Amor di Dios Tata; Yeshua Mesias**
Un Fiel Sirbidó di Dios,
Remsly L Riley